

Hamarrekoa osatzear

Orain harteko Korrikaren bederatzi ekitaldietan haziz joan da euskaltzaleen partaidetza

HAMARGARREN KORRIKA da, hamargarren ahalegina Alfabetatze Euskalduntze Koordinakundeak (AEK) hasieran finkatutako helburuak lortze aldera: AEKrentzako dirua eskuratu, berreuskalduntze prozesuan helduen alfabetatzearen eta euskalduntzearen garrantzia nabarmendu eta euskarari bultzada ematea. Aurten ere, Arantzazun hasi eta Bilbon bukatu, xedeok present egongo dira lasterkari, lekuko eta euskaltzale ororen gogoan. Orain arteko bederatzi edizioetan, orain arteko hoge mila kilometro baino gehiagotan beste hainbeste dira xelebrekeriak, gertaera aipagarriak, omenduak eta abarrak. Halaber, harrez laburtuta doa Korrikaren historia guztia, zabal jorratuta eskuratzeko modua AEK-k berak eskainiko baitu EUSKALDUNON EGUNKARIAREN bitartez banatuko diren 10 faszikuluetan.



• Zuk ere esan bai euskarari

1980ko azaroaren 29tik abenduaren 7ra egin zen aurreneko Korrika, Oñatin hasi eta Bilbon bukatu. Lehen aldian Rikardo Arregi eta Xabier Peña omendu zituen Korrikak. Kilometroak, berriz, 1.820 izan ziren. 70eko hamarkadan euskararen alde egin ziren ekintzei, 1978. urtean gau eskolek antolatutako *Bai euskarari* izeneko kanpaina hari batez ere, jarraipena emateko asmoz-edo sortu zuen AEK-k Korrika. Remigio Mendiburu eskultoreak egin zuen aurten arte erabili izan den lekukoa. Barruan zeraman mezua, Rikardo Arregi AEKren sortzaileak gau eskolak sortzeko eskatuz 1966an Euskaltzaindira igorritako gutuna,



Remigio Mendiburu, aurten arte eskuz esku ibili den lekukoaren egilea, aurreneko Korrikako irudi gogoangarrian. ARTXIBOKOA

hain justu. Mezu hori, ordea, galdu egin zen lekukoa Sakana-tik pasatu zenean, eta, ondorioz, Bilbon AEKren testua besterik ez zen irakurri. Euskaltzaindiak ez zuen begirunez ikusi testu hori, eta horregatik AEK-k nortasun juridiko propioa eskuratu zuen Euskaltzainditik kanpo. Mezua irakurtzearekin bat, minutu bateko isilunea gorde zen Rikardo Arregiren, Xabier Peña euskara irakaslearen eta Xabier Eseberriren omenez. Azken hau, Etxarriko 13 urteko haurra, auto batek harrapatu eta hil zen Korrikan parte hartu ondoren etxerako bidean zihoala. Lehen Korrika azaroaren 29tik abenduaren 7ra bitartean antolatu izanak ekarri zituen hainbat zailtasun, hala-nola negu gorriaren nozitze zuzena. Hainbat eta hainbat lekutan elurrak agerpena egin

zuen, baina hala ere ez zen nahikoa izan euskaltzaleen gogoa hozteko.



• AEK, euskararen alternatiba herritarra: Korrika, herriaren erantzuna euskararen alde

1982ko maiatzaren 22tik 30era Iruñetik Donostiara egin zen bigarren Korrika, Rikardo Arregiri omenaldia eginez hau ere. Ibilbi-deak 1.822 kilometro izan zituen. Bere lehen kilometroa Jose Maria Jimeno Jurio historialariak egin zuen. 1982. urteko ekitaldia is-

tilutsua izan zen, EAJko Euzkadi Buru Batzarrek Korrikari ez laguntzea erabaki zuelako batetik, eta Javier Ansuategui Nafarroako gobernadore zibilak hasiera batean Korrika Nafarroan sartzea galarazi zuelako bestetik. AEK ez zela legala eta Korrika Nafarroaz gaindiko kontua zela jarri zuen Ansuateguik arrazoi bezala. Azkenean, ordea, eztabaida batzuen ondoren, Nafarroako kilometroak ere arazorik gabe egin ziren. Partaidetza lehen edizioan baino zabalagoa izan zen, eta alde ekonomikoari erreparatuta ere, diru gehiago bildu zen, hamahiru milioi pezeta (520.000 libera inguru). Donostian egindako amaierako ekitaldian AEKren mezua eta lehendabiziko edizioan galdutako Rikardo Arregiren gutuna irakurri ziren.



• Euskaraz eta kitto

Hurrengo urtean, 1983ko abenduaren 3tik 11ra egin zen hirugarren Korrika. Edizio honetan Iparraldearen finkapena etorri zen. Hasi ere, Baionan hasi zen Korrika eta Bilbon bukatu. Hirugarrenak Gabriel Aresti poeta omendu zuen, eta lekukoaren barruan joan zen mezua, bere *Hibai Ugaria* poema izan zen. Aurreko urtean ez bezala, istilurik ez zen batere izan, eta bistan geratu zen bai Nafarroan eta bai Iparraldean indartzen zihoala alfabetatze eta euskalduntze mugimendua. Korrikalariak arin ibili ziren edizio honetan, eta gero hainbat aldiz gertatu den bezala aurrikusitako ordua baino lehenago iritsi zen lasterketa hainbat herritara. Irabaziak 30 milioi pezeta ingurukoak (1.200.000 libera) izan ziren.



• Herri bat, hizkuntza bat

Hizkuntzaren lurraldetasuna nabarmendu zen, euskara Euskal Herri osoko hizkuntza zela, herri baten proiektua alegia. Korrika 4, 1985eko maiatzaren 31n abiatu zen Atharratzen eta ekainaren 9an bukatu Bilbon. Bi herri horien artean 2.028 kilometro luze bezain eder egin zituen euskaltzaleen lasterketa honek. Lehendabiziko lekukoa Zuberoako langabetuen batzordeko ordezkari batek eraman zuen. Lauga-

GAROA Jatetxea

Pintxo bereziak, eguneroko menua eta afariak, giro jatorrean.

San Lorenzo, 29-30 - Tel.: 78 13 55 - OÑATI (Gipuzkoa)



TXANTXIKU IKASTOLA

San Juan Kale, 1 - 20560 OÑATI

78.12.04/78.26.12 - Faxe: 78.31.88



Denok
KORRIKA
euskararen
alde!

Egunkaria



LANA



Enkofratzeko 3 estratutako tableroa, estatuan aitzindari.
Haltzaritarako tableroa.

Zuraren aplikazio Teknologikoak.

Berrikuntza eta kontrol kalitatezko ikerketa.

Bezeroaren tratu pertsonalizatua.

LANA, S. Coop

Santxolopetegi auzoa, 24 - 25 Pk.

Tel.: (943) 78 01 11 - 78 07 00

Faxe: (943) 78 32 22 - 20560 OÑATI (Gipuzkoa)



Zerbitzu onean
liderra 1996

Ormazabal

INSTALAKUNTZAK S.L.

Gu ere KORRIKA euskararen alde!

Apaolaza, 2 - OÑATI - 78.16.40 telefonoa